

Sarajevo, 30.08.2020. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 13/20 od 29.07.2020. godine, u postupku javne nabavke br. **KZ 13/20 „Usluge revizije finansijskih izvještaja za 2020, 2021 i 2022 godinu“** donosi se :

ODLUKA
o poništenju postupka javne nabavke

Član 1.

Poništava se postupak javne nabavke broj **KZ 13/20** za nabavku usluga : „**Usluge revizije finansijskih izvještaja za 2020, 2021 i 2022 godinu**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) Zakona o javnim nabavkama.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : KZ 13 /20 od 14.05.2020. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost predmetne javne nabavke bez PDV-a iznosi: 36.000,00 KM.

Obavještenje o nabavci broj: 247-7-2-36-3-161/20 poslato je na objavljivanje na Portal javnih nabavki dana 19.05.2020. godine.

Komisija za javnu nabavku imenovana je Rješenjem br. 01/20 od 07.01.2020 godine i dodatni članovi komisije imenovani dopunskim Rješenjem br. KZ 13/20-1 od 14.05.2020 godine. .

Komisija za javnu nabavku dostavila je dana 14.08.2020. godine Preporuku o poništenju postupka javne nabavke usluga: „Ispitivanje i opravke glave motora“ – tender broj KZ 13/20 .

Komisija za javnu nabavku je sačinila odgovarajuće zapisnike u kojima je utvrđeno sljedeće:

1. - Da je ukupan broj pristiglih ponuda : 6 (šest) ponuda – „Re - Controlling“ d.o.o. Zenica, „ Grant Thornton“ d.o.o. Banja Luka, „ Merfi“ d.o.o. Sarajevo, „ Baker Tilly Re Opinion“ d.o.o. Sarajevo, „ Džaferović“ d.o.o. Sarajevo, Grupa ponuđača: „BDO BH“ d.o.o. Sarajevo i „ Revisium Consult“ d.o.o. Sarajevo
1. - Da je blagovremeno zaprimljeno : 6 (šest) ponuda – „Re - Controlling“ d.o.o. Zenica, „ Grant Thornton“ d.o.o. Banja Luka, „ Merfi“ d.o.o. Sarajevo, „ Baker Tilly Re Opinion“ d.o.o. Sarajevo, „ Džaferović“ d.o.o. Sarajevo, Grupa ponuđača: „BDO BH“ d.o.o. Sarajevo i „ Revisium Consult“ d.o.o. Sarajevo

-Da nije bilo neblagovremeno zaprimljenih ponuda;

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač					Grupa ponuđača: „BDO BH“ d.o.o. Sarajevo i „Revisium Consult“ d.o.o. Sarajevo
		Društvo za reviziju „Re-Controlling“ d.o.o. Zenica	„Grant Thornton“ d.o.o. Banja Luka	„Merfi“ d.o.o. Sarajevo	„Baker Tilly Re Opinion“ d.o.o. Sarajevo	„Džaferović“ d.o.o. Sarajevo	
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA	DA	DA	DA	DA
2.	Tačka: 14.2. pod a) TD: Spisak izvršenih ugovora u skladu sa članom 48. Stav 2. ZJN, koji su u vezi sa predmetom nabavke, za period ne duži od tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godina, koji sačinjava sam ponuđač, na svom poslovnom papiru/memorandumu; Potvrde o uredno izvršenim ugovorima koju daje druga ugovorna strana o realizaciji ugovora. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura.	DA, ali nije u skladu sa zahtjevima iz TD	DA, ali nije u skladu sa zahtjevima iz TD	DA, ali nije u skladu sa zahtjevima iz TD	DA, ali nije u skladu sa zahtjevima iz TD	DA	DA
2.1.	Tačka: 14.2. pod b) TD: Original ili ovjerena kopija važećeg certifikata za zvanje ovlašteni revizor (ovjera od strane nadležnog organa – (Sud, Opština ili notar) i da ovjera ne bude starija od 3 (tri) mjeseca od dana ovjere	DA	DA	DA	DA	DA	DA
2.2.	Tačka 14.2. TD: Izjava o ispunjenosti uslova iz člana 50. Zakona o javnim nabavkama – Aneks VI; Prilog 4	DA	DA	DA	DA	DA	DA
3.	Tačka 14.3 TD: Original ili ovjerena	DA	DA	DA	DA	DA	DA

R. br.	Zahtjevana kvalifikaciona dokumentacija	Ponudač					Grupa ponuđača: „BDO BH“ d.o.o. Sarajevo i „Revisium Consult“ d.o.o. Sarajevo
		Društvo za reviziju „Re-Controlling“ d.o.o. Zenica	„Grant Thornton“ d.o.o. Banja Luka	„Merfi“ d.o.o. Sarajevo	„Baker Tilly Re Opinion“ d.o.o. Sarajevo	„Džaferović“ d.o.o. Sarajevo	
	fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponudač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.						

Kao dokaz za ispunjavanje kvalifikacionih uslova u okviru tačke 14.2 tenderske dokumentacije zahtjevano je slijedeće: Spisak izvršenih ugovora u skladu sa članom 48. Stav 2. ZJN, koji su u vezi sa predmetom nabavke, za period ne duži od tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godina, koji sačinjava sam ponuđač, na svom poslovnom papiru/memorandumu;

Potvrde o **uredno izvršenim ugovorima** koju daje druga ugovorna strana o realizaciji ugovora. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takva potvrda osigura.

Ponuđač „Baker Tilly Re Opinion“ d.o.o. Sarajevo je ponudi kao dokaz iz tačke 14.2 pod a) dostavio slijedeće:

- spisak izvršenih ugovora revizije od 20. 07. 2020 godine
- potvrda izdata od strane JP Autoceste FBiH dana 19.08.2019 godine u iznosu od 10.000,00 KM bez PDV-a po ugovoru
- potvrda izdata od strane JP Ceste Federacije BiH dana 15.06.2020 godine u iznosu od 10.000,00 KM bez PDV-a po ugovoru

Navedeni ponuđač nije postupio u skladu sa postavljenim tenderskim uslovom koji je dat u tački 14.2 pod a) u kojem je jasno definisano da ponuđač treba da ispuni ispuniti slijedeće minimalne uslove:

Da ima uredno izvršen najmanje 1 (ugovor) u javnom preduzeću, a koji je u vezi sa predmetnom nabavkom, za period ne duži od tri godine ili od datuma registracije, odnosno početka poslovanja ako je ponuđač registriran, odnosno počeo sa radom prije manje od tri godine, u vrijednosti od minimalno 11.000,00 KM bez PDV-a.

Ponuđač „Merfi“ doo Sarajevo je ponudi kao dokaz iz tačke 14.2 pod a) dostavio slijedeće:

- potvrda o uredno izvršenim ugovorima izdata od strane KJKP "Pokop" d.o.o Sarajevo dana 14.03.2019. godine u iznosu od 8.000,00 KM bez PDV-a po ugovoru
- potvrda o uredno izvršenom ugovoru izdata od strane KJP Centar Skenderija d.o.o. Sarajevo dana 04.10.2018. godine u iznosu od 8.000,00 KM bez PDV-a
- potvrda o uredno izvršenim ugovorima izdata od strane Hrvatska pošta d.o.o Mostar dana 08.04.2018. godine u iznosu od 8.000,00 KM bez PDV-a
- potvrda o uredno izvršenim ugovorima izdata od strane RTV FBiH dana 13.11.2018. godine u iznosu od 10.000,00 KM bez PDV-a
- potvrda o uredno izvršenim ugovorima izdata od strane RTV BiH dana 02.12.2019. godine u iznosu od 10.000,00 KM bez PDV-a

Navedeni ponuđač nije postupio u skladu sa postavljenim tenderskim uslovom koji je dat u tački 14.2 pod a) u kojem je jasno definisano da ponuđač treba da ispuni ispuniti slijedeće minimalne uslove:

Da ima uredno izvršen najmanje 1 (ugovor) u javnom preduzeću, a koji je u vezi sa predmetnom nabavkom, za period ne duži od tri godine ili od datuma registracije, odnosno početka poslovanja ako je ponuđač registriran, odnosno počeo sa radom prije manje od tri godine, u vrijednosti od minimalno 11.000,00 KM bez PDV-a.

Ponuđač Društvo za reviziju “Re – Controlling“ doo Zenica je ponudi kao dokaz iz tačke 14.2 pod a) dostavio slijedeće:

- potvrda o uredno izvršenom ugovoru izdata od strane JP "Visoko ekoenergija" d.o.o Visoko dana 15.08.2019. godine u iznosu od 5.000,00 KM bez PDV-a
- potvrda o uredno izvršenom ugovoru izdata od strane JP za upravljanje i održavanje sportskih objekata d.o.o. Zenica dana 22.05.2020. godine u iznosu od 5.000,00 KM bez PDV-a
- potvrda o uredno izvršenom ugovoru izdata od strane JP "Zenicagas" d.o.o Zenica dana 27.05.2020. godine u iznosu od 2.500,00 KM bez PDV-a

Navedeni ponuđač nije postupio u skladu sa postavljenim tenderskim uslovom koji je dat u tački 14.2 pod a) u kojem je jasno definisano da ponuđač treba da ispuni ispuniti slijedeće minimalne uslove:

Da ima uredno izvršen najmanje 1 (ugovor) u javnom preduzeću, a koji je u vezi sa predmetnom nabavkom, za period ne duži od tri godine ili od datuma registracije, odnosno početka poslovanja ako je ponuđač registriran, odnosno počeo sa radom prije manje od tri godine, u vrijednosti od minimalno 11.000,00 KM bez PDV-a.

Ponuđač „Grant Thornton“ d.o.o. Banja Luka je ponudi kao dokaz iz tačke 14.2 pod a) dostavio slijedeće:

- potvrda o uredno izvršenom ugovoru izdata od strane UKC RS dana 20.01.2020 godine u iznosu od 12.780,00 KM bez PDV-a

Ponuđač „Grant Thornton“ d.o.o. Banja Luka je u okviru dokaza iz tačke 14.2 pod a) TD, dostavio potvrdu izdatu od strane UKC RS u iznosu od 12.780,00 KM bez PDV-a, koja nije potpisana i ovjerena pečatom ugovornog organa koji je izdao navedenu potvrdu te se ponuda navedenog ponuđača smatra neprihvatljivom.

Na osnovu gore navedenog Komisija za javne nabavke je konstatovala da ponude ponuđača Društvo za reviziju „Re - Controling“ d.o.o. Zenica; „Grant Thornton“ d.o.o. Banja Luka; „Merfi“ d.o.o. Sarajevo; „Baker Tilly Re Opinion“ d.o.o. Sarajevo ne ispunjavaju zahtjeve ugovornog organa koji su traženi tenderskom dokumentacijom, zbog čega se ponude navedenih ponuđača odbacuju kao neprihvatljive, a sve u skladu sa članom 68. stav (4), tačka i) Zakona o javnim nabavkama

Ponuđač „Džaferović“ d.o.o. Sarajevo je ponudi kao dokaz iz tačke 14.2 pod a) dostavio slijedeće:

- potvrda o uredno izvršenim revizorskim uslugama izdata od strane JP „RTV“ d.o.o. Zenica dana 09.07.2020 godine u iznosu od 14.000,00 KM bez PDV-a
- potvrda o uredno izvršenom ugovoru izdata od strane „Graditelj“ d.o.o. Bihać dana 11.05.2020 godine u iznosu od 68.000,00 KM bez PDV-a
- potvrda o uredno izvršenim ugovorima izdata od strane „Sarajevo - Osiguranje“ d.d. Sarajevo dana 12.05.2020 godine u iznosu od 31.250,00 KM bez PDV-a

Ponuđač Konzorcij: „BDO BH“ d.o.o. Sarajevo i „Revision Consult“ d.o.o. Sarajevo je ponudi kao dokaz iz tačke 14.2 pod a) dostavio slijedeće:

- spisak izvršenih ugovora od 08. 07. 2020 godine
- potvrda o uredno izvršenim ugovorima izdata od strane KJKP "Vodovod i kanalizacija" d.o.o. Sarajevo dana 21.01.2019. godine u iznosu od 10.000,00 KM bez PDV-a
- potvrda o uredno izvršenim ugovorima izdata od strane JU Opća bolnica „Prim.dr.Abdulah Nakaš“ Sarajevo dana 26.09.2019. godine u iznosu od 10.000,00 KM bez PDV-a
- potvrda o uredno izvršenim ugovorima izdata od strane JU Dom Zdravlja Kantona Sarajevo dana 17.01.2020. godine u iznosu od 10.000,00 KM bez PDV-a
- potvrda o uredno izvršenim ugovorima izdata od strane KJKP "Sarajevogas" d.o.o. Sarajevo dana 04.09.2019. godine u iznosu od 15.000,00 KM bez PDV-a

Komisija konstatuje da ponuđači Konzorcij: „BDO BH“ d.o.o. Sarajevo i „Revision Consult“ d.o.o. Sarajevo i Ponuđač „Džaferović“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Zahtjevana kvalifikaciona dokumentacija	Ponudač	
		„Džaferović“ d.o.o. Sarajevo	Grupa ponuđača: „BDO BH“ d.o.o. Sarajevo i „Revisium Consult“ d.o.o. Sarajevo
1.	Tačka: 15 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA
2.	Tačka: 16 TD: pod brojem 1. Obrazac za ponudu – Aneks II; Prilog 1.	DA	DA
2.1.	Tačka: 16 TD: pod brojem 1.1 Popis dokumenata uz ponudu koji čini sadržaj ponude – Aneks II; Prilog 1	DA, ali nije dostavljen kako je zahtjevano u TD	DA
3.	Tačka: 20 TD: Obrazac za cijenu ponude – Aneks III; Prilog 2	DA	DA, ali nije u skladu sa TD
4.	Tačka 31 i 36 TD: Nacrt okvirnog sporazuma – Prilog 7.	DA	DA
5.	Tačka: 31 i 37 TD: Nacrt ugovora o javnoj nabavci – Prilog 8.	DA	DA
6.	Tačka: 43 TD: Povjerljive informacije – Prilog 6.	DA	DA

Ponudač „Džaferović“ d.o.o. Sarajevo je u dostavljenoj ponudi i to Obrazac za cijenu ponude – Aneks II; Prilog 1 „Popis dostavljenih dokumenata, izjava i obrazaca sa nazivima istih“, dostavio popis dostavljenih dokumenata na svom obrascu, a ne na obrascu ugovornog organa kako je i zahtjevano tenderskom dokumentacijom i to u tačkama 16., i 17.1 tenderske dokumentacije kao i u dodatnim napomenama prilikom pripreme ponude gdje je definisano slijedeće: **"Ponudač ne smije mijenjati ili nadopunjavati tekst tenderske dokumentacije. Ponudač je obavezan ponudu pripremiti na anexima (obrascima) i priložima koji su sastavni dio ove tenderske dokumentacije"**.

Obzirom da ponudač „Džaferović“ d.o.o. Sarajevo nije postupio u skladu sa zahtjevima iz tenderske dokumentacije to se ponuda ponuđača „Džaferović“ d.o.o. Sarajevo u skladu sa članom 68. stav (4), tačka i) Zakona o javnim nabavkama odbacuje kao neprihvatljiva, te ista nije bila predmet daljeg razmatranja.

Pregledom ponude ponuđača Grupa ponuđača: „BDO BH“ d.o.o. Sarajevo i „ Revisium Consult“ d.o.o. Sarajevo od strane Komisije za javne nabavke, konstatovano je da u dostavljenom Obrascu za cijenu ponude Anex III; Prilog 2, nije popunjena kolona „ Ukupno“ u kolonama 10, 11 i 12. U tenderskoj dokumentaciji je jasno naznačeno sljedeće: *Ponuđač je obavezan popuniti sve prazne stavke u specifikaciji (osim kolone 11 ukoliko se ne nudi popust). Ukoliko nije ponuđen popust kolone 9 i 12 će biti iste, kao i kolone 10 i 13.*

Nepopunjavanjem navedene rubrike na zahtjevani način iz tenderske dokumentacije traženim podacima ponuđač Grupa ponuđača: „BDO BH“ d.o.o. Sarajevo i „ Revisium Consult“ d.o.o. Sarajevo nije ispunio zahtjeve ugovornog organa odnosno nije postupio u skladu sa tačkom 20. tenderske dokumentacije „Obrazac za cijenu ponude“ koja određuje da se Obrazac za cijenu ponude koji je dat kao Prilog 2. tenderske dokumentacije – Aneks III, priprema u skladu sa zahtjevima iz tenderske dokumentacije i čini sastavni dio tenderske dokumentacije. Tačkom 21. tenderske dokumentacije „Način određivanja cijene ponude“ definisano je da ponuđač treba popuniti Obrazac za ponudu i Obrazac za cijenu ponude koji se nalaze u prilogu ove tenderske dokumentacije u skladu sa svim podacima koji su definisani Aneksom II, Prilog 1. i Aneksom III, Prilog 2. tenderske dokumentacije, a što navedeni ponuđač nije učinio.

Obzirom da ponuđač: Grupa ponuđača: „BDO BH“ d.o.o. Sarajevo i „Revisium Consult“ d.o.o. Sarajevo nije postupio u skladu sa zahtjevima iz tenderske dokumentacije to se ponuda ponuđača Grupa ponuđača: „BDO BH“ d.o.o. Sarajevo i „Revisium Consult“ d.o.o. Sarajevo u skladu sa članom 68. stav (4), tačka i) Zakona o javnim nabavkama odbacuje kao neprihvatljiva, te ista nije bila predmet daljeg razmatranja.

Polazeći od gore navedene konstatacije i činjenice da za predmetnu nabavku nijedna od primljenih ponuda nije prihvatljiva, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku usluga: „**Usluge revizije finansijskih izvještaja za 2020, 2021 i 2022 godinu**“ – tender broj **KZ 13/20** donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:
-ponuđaču
- a/a



Direktor

Enver Hadžiahmetović
Enver Hadžiahmetović, dipl.ing.maš.